



CHÈ VWAZEN,

Piske sezon fredri a ap rive, nou dwe prepare pou lanèj, glas, ak tanperati jele, epi asire ke vwazen nou yo prepare tou. Gid sa a ap ede oumenm ak fanmi ou prepare pou tan fredri k ap vini an. W ap jwenn konsèy tou sou fason pou kolabore avèk lòt rezidan, pwopriyetè biznis, ak ajans Vil la pou kenbe lari ak twotwa nou yo an sekirite kont lanèj ak glas nan sezon fredri sa a.

Tanpri voye je sou zanmi ak vwazen ou yo nan sezon fredri a, sitou pandan n ap kontinye lite kont COVID-19 la. Rezidan ki pi aje yo ak moun ki gen pwoblèm sante kritik yo dwe kontwole regilyèman. Rele liy sipò nou an nan 3-1-1 si ou bezwen èd oswa si ou gen nenpòt kesyon ki pa ijans. Si oumenm oswa yon moun ou konnen bezwen èd ann ijans, rele 9-1-1 touswit.


Mwen espere ou pase yon sezon ivè an sekirite ak an sante. Tanpri konsève gid sa a nan yon kote ou ka jwenn li byen fasil oswa pataje li avèk yon moun ki bezwen li.

Majistra Wu

Michelle Wu



City of Boston
Mayor Michelle Wu



BOS:311

Fè rapò ba Vil la
pou twotwa ki
pa netwaye avèk
app BOS:311.

Telechaje
App la

*****ECRWSS*****
RESIDENT CUSTOMER
BOSTON, MA

NIMÉWO ENPÒTAN

Pou Ijans (Lapolis, Dife, EMS) rele 911

Pou sitiyasyon ki pa Ijans rele 311 oswa (617) 635-4500

Boston Water & Sewer:
617-989-7000

Éd ABCD pou Kabrian:
617-357-6012

Eversource:
800-592-2000

DCR: 617-626-4973

National Grid Gas:
800-322-3223

MassDOT:
857-368-6111

Verizon: 800-837-4966

MBTA: 617-222-3200

TAN LIVÈ GID 2021-2022

ENSKRI POU OU RETE ENFÒME

Pou jwenn nouvèl sou ijans nèt yo, entèdikeyon pakin yo, reta ak anilasyon lekòl yo, tanpri vizite:

- boston.gov/snow
- swiv @CityofBoston sou Twitter
- enskri nan boston.gov/alert-boston pou resevwa avètisman

Ou ka rele tou nan 3-1-1 oswa 617-635-4500 pou sèvis Vil ki pa ijans.



Gid sa a disponib tou sou boston.gov/snow nan lang annapre la yo:

Español Panyòl	Kriolu Kreyòl Cabo Verdean
简体中文 Senplifye Chinwa	Русский Ris
繁體中文 Chinwa tradisyonèl	Français Franse
Kreyòl ayisyen Kreyòl ayisyen	Tiếng Việt Vyetnamyen
Português Pòtigè brezilyen	العربية Arab

PRSRIT STD
U.S. POSTAGE
PAID
BOSTON, MA
PERMIT 53434
** ECRWSS **

NETWAYAJ TWOTWA

Nou mande rezidan yo ak pwopriyetè biznis yo pou yo netwaye nèt, nèt ki fonn, ak glas sou twotwa yo ak ranp pou pyeton ki nan lari yo ki bay sou pwopriyete ou. Apre yon tanpèt, ou oblije netwaye zòn sa yo:

- nan lespas (3) èdtan apre nèt la fin tonbe, oswa
- (3) èdtan apre solèy leve si nèt la tonbe pandan lannwit.

Retire glas sou asfat la oswa egalize li otank posib. Twotwa yo dwe netwaye pou kreye omwen yon chemen ki gen 42 pous lajè pou pèmèt chèz woulant ak pousèt pase.

Divizyon Aplikasyon Kòd la ap fè rezidan ak pwopriyetè biznis ki vyole règ sa yo peye amann. Yo kapab bay amann chak jou jiskaske ou korije vyolasyon an.

Amann Kouran pou twotwa ki pa netwaye yo:

- Pwopriyete komèsyal: \$200
- Pwopriyete rezidansyèl, ki gen 16 inite oswa plis: \$100
- Pwopriyete rezidansyèl: \$50

JESYON LARI KI GEN NÈJ

Pou ede nou kenbe lari yo vid pou netwaye nèt ak pou veyikil dijans yo, pake nan distans 20 pye omwen ak kafou yo epi pa kite yon espas plis pase yon pye ak twotwa a. Pa bloke ak veyikil ou twotwa yo, bouch ensandi yo, ranp pou pyeton nan ang ri yo, liy pou bisiklèt yo, chemen dantre kay yo, ni lari a.

Pandan yon ijans nèt, gen rabè pou pakin disponib nan sèten garaj avèk yon pèmi rezidan valab. Rabè pou pakin nan enstalasyon pakin piblik yo ak nan anpil teren minisipal kòmanse dezèdtan anvan kòmansman yon ijans nèt epi li fini dezèdtan apre. Nou pa otorize pake aswè ni pake lannwit nan pakin Lekòl Piblik Boston yo pandan evènman nèt yo.

Tcheke nan boston.gov/snow pou konnen kikote ou pa dwe pake pandan yon ijans nèt. Nou gen enfòmasyon tou sou pakin ki bay rabè yo.

RETE CHO AK SENNESÒ

Lokatè yo:

Ou gen pwoblèm chofaj? Toudabò avèti mèt kay ou an. Si mèt kay la pa reponn, rele 311 pou fè yon rapò, epi Sèvis Enspeksyon ap mennen yon ankèt.

Apatman yo dwe cho fe nan:

68° Soti: 7 a.m. rive 11 p.m.

64° Soti: 11 p.m. rive 7 a.m.

Ou bezwen èd pou peye chofaj? Aplike pou jwenn èd nan Pwogram Asistans Eta a pou Enèji nan Kay pou Revni Fèb (Low Income Home Energy Assistance Program, LIHEAP). Vizite boston.gov/home-heating oswa rele nan 617-357-6012.


Pa janm sèvi avèk fou ou kòm chofaj. Aparèy chofaj espas yo (space heater) kapab lakòz dife, kidonk pa mete yo toupre rido ni bagay ki ka pran dife. Sonje etenn yo anvan w al kouche. Netwaye bouch tiyo echapman yo pou evite anpwazonnman monoksid kabòn, epi tcheke si detektè monoksid kabòn ak lafimen yo fonksyone.

Kontè pakin yo rete anvigè pandan ijans nèt yo.

Mete viyèt pakin rezidan ou byen vizib nan lespas 24 èdtan apre finisman yon tanpèt.

N ap ba ou tikè ak remoke ou si ou pake nan wout dijans ki endike pou ijans nèt yo pandan yon deklarasyon sityasyon dijans.

Sonje netwaye bouch ensandi yo ak dren pou dlo lapli yo.



Netwaye tout nèt nan yon pye omwen toutotou mòfle machin ou anvan ou estat machin ou.

Retire bagay ou mete pou rezève pakin yo (space saver) nan lespas 48 èdtan apre yo aboli yon ijans nèt. Tanpri konnen: yo entèdi mete bagay pou rezève pakin nan South End.

NÈJ KA RALANTI RESIKLAJ AK RANMASAJ FATRA

Pandan gwo tanpèt nèt yo, yo ka anile resiklaj ak ranmasaj fatra, men sa ra anpil. Leplisouvan, gwo tanpèt nèt yo ka lakòz reta nan sèvis, kidonk nou mande koperasyon ak pasyans ou.

Pou wè orè resiklaj ak ranmasaj fatra katye ou ak pou konnen ki atik ou KAPAB resikle ak ki atik ou PA KAPAB resikle nan Vil Boston, tanpri vizite:

- boston.gov/trash-day
- telechaje app Trash Day la, oswa
- rele 3-1-1.

Ekip yo gen difikilte pou rive pran poubèl fatra ak poubèl resiklaj yo mete deyè pil nèt yo. Tanpri netwaye yon zòn bò twotwa a pou ranmasaj oswa mete poubèl yo akote oswa devan pil nèt yo.

Nou ranmase Abdenwèl pou fè konpòs soti 3 rive 14 janvyè. Pa mete yo nan sache plastik. Tanpri retire sipò ak dekorasyon nan Abdenwèl yo. Si ou gen de (2) jou resiklaj, nou ranmase Abdenwèl yo nan premye jou resiklaj la nan semèn lan. Mete pyebwa ou an bò twotwa ou avan 6 a.m.